


巴縣志

地 280.47

42.1

3



巴縣志

初序堪題



中華民國二十有  
八年十二月築

巴縣志敘

巴縣志自民國二年癸丑余與重慶守吳恩鴻二三人者卽創議續修時道府縣及軍府官文書具存者老健在而榮縣趙堯生先生適旋蜀客重慶意卽商聘主撰以討袁軍敗罷議十一年重開縣議會議決重修以代管統計課城隍會田宅爲重修縣志基金縣田房撥冊費爲補助數甚微乃按條糧議每糧一兩附徵銀一圓六年而止十三年楊裕昆來爲縣長始成立重修縣志籌備處明年王海平繼楊任首聘總纂十五年春鄭東琴長縣始開局延分纂置採訪向君仙喬龔君春巖先後爲總纂蜀局多故中更俶擾二十二年唐縣長殿臣

巴縣志

敘

一

奉部令成立文獻委員會眾舉余爲委員長尤以完成縣志爲亟務顧道府文武官署相繼裁廢前縣長馮均逸亦以官署文書燼火其一部故老日卽凋薨巴縣文獻半苦無徵採訪多無可施手先後清釐基金計存修志費九千元教育局負如千西里中學負如千又縣黨部應歸還如千聘總編纂七八人會軍興未及下筆余亦有五台之游一年歸以眾議改設編纂委員會復聘向君仙喬爲總纂主其事編述總輯前後凡兩年而稿竟遂集縣人會議於城鄉三里推選審查八人爲審查會分門料簡七日而畢再請龔君爲總校文君伯魯副之諸費取供專款不足甚復議由縣財政委員會籌給

而刊工尤鉅初主排印繼決刻木甚哉創始之艱纂集之繇籌措支拙完成文獻之不易今日書成行且付梓而國難至不可說首都播遷亦於重慶丁此非常之局以待殺青官紳間如羅秉洪王蘭輯李葵庵吳象癡諸賢皆戮力以促成斯志者而余得尸職其間共觀厥成謹爲記其始末如右更有言者縣志乃一方之史自當及時編次年久失紀則文獻無徵執筆修撰必躬先採訪庶於建寘興廢陵谷變遷免其舛牾而人物美惡習俗移易亦得其真若采輯刊印筆札之需期事前籌集可無中輟緩引之失此皆斯役之所親諭而受之困沮並以爲後來告焉民國二十六年歲次丁丑十二月朱

巴縣志目錄

敘

卷一

疆域上

沿革 幅員

疆域中

山脈

疆域下

水道

卷二

建置上

治城 衙署局會 宋明以來城鄉建置沿革表 街道表 城內水溝表

鎮鄉表 橋梁表

建置下

廟宇表 坊表 塹塞表 塘堰表

卷三

巴縣志

目錄

一

古蹟

卷四

賦役上

戶口 徭役 田賦 契稅 屠宰稅 鹽法 茶課 油稅 雜課

賦役下

征權 營業稅 房捐 公債 會計 附倉穀 附錢幣 附度量衡

卷五

禮俗

禮制 風俗 宗教 方言

卷六

職官

兩漢 三國 晉 南北朝 隋 唐 宋 元 明 清 民國年表

卷七

學校

學宮 府縣學官生員名額表 書院 義學附學校表 圖書館 報館 西部 科學院附

卷八

選舉

進士題名 舉人題名 五貢題名 國內  
進士題名 武舉題名 選舉表 賓興費附  
外學校畢業學生表

卷九

官師列傳上

漢 沆元 明 武曠

官師列傳下

清 武曠 明 以來忠節 書院院  
長 民國 都督

卷十

人物列傳上

漢 沆元

人物列傳中之上

明 諸劉

人物列傳中之下

清 沆 民國

人物列傳下之上

忠烈 孝義 列女 寓賢  
方外

巴縣志

目錄

二

川一

人物列傳下之下

乾嘉以來死事年地表 列  
女表 仕進表 耆耇表

卷十一

農桑

農宜 農占 農功 農具 農別 農  
學 農村經濟 農家副業 蠶桑 森  
林

卷十二

工業

卷十三

商業

卷十四

交通

驛傳 道路 鐵路 輪船 郵政 電  
報 電話 航空

卷十五

軍警

兵備 警察

卷十六

交涉

教案 重慶通商案 重慶開埠案 王家沱日本租界案 南北兩岸煤礦公司案 重慶上游內河航權案 打鎗壩案 附表

卷十七

自治

縣議參會 城鎮鄉會 慈善 三費局 保甲團練 義渡 紅十字分會

卷十八

市政

名稱 區域 遷墳 招領 補償 自來水 電力廠 公園 碼頭

卷十九

物產上

穀類 蔬類 藥類 果類 花類

巴縣志

目錄

三

物產下

艸類 竹類 木類 羽類 毛類 蟲類 魚類 礫類

卷二十

金石上

金石下

卷二十一

事紀上

事紀下

卷二十二

蜀軍革命始末

卷二十三

敘錄

輿圖

附文徵

巴縣志

目錄

四

巴縣志卷一

疆域上

沿革

幅幘

沿革

吾縣自見載籍以來名凡三易在劉宋以前曰江州齊梁西魏曰墊江由宇文周至於今日巴縣以處形勝之地故恆為州郡治隋以後之州猶郡也由秦至宇文周為巴郡隋為渝州復為巴郡唐為渝州為南平郡宋為渝州為恭州為重慶府元為重慶路明清復為重慶府州郡之長司柄於此其所領諸縣分并之際不可無述民國改制廢府存縣府當不復有志則紀其因革以存往迹又斯志之任也其諸縣不隸吾郡時亦

巴縣志

卷一上

一

自有其遷嬗之迹非茲編所當具至若州郡所隸各有總司如漢以來郡隸於州唐之州郡隸於路之類其為經制者著之其治斯土者著之非是二科悉所畧焉

巴之得名以閬白二水曲折如巴字

譙周巴記閬白二水東南流曲折三迴如巴字故謂

三巴玉篇巴部廣韻九麻通典百七十五太平御覽六十八太平寰宇記百三十六並引又御覽六

十九引作閬白二水合流自漢中至始寧城下入武陵曲折三迴有如巴字亦曰巴江經峻峽中謂之巴

峽即此水也按篇韻引皆無末句三巴以劉璋所分巴郡巴西巴東得名見華陽國志非此之謂元和

郡縣志作故謂之巴當從之傳寫者因之與三巴書相似又習聞三巴之名遂誤作三巴耳

相傳人皇時即隸版圖或云宓戲之裔始為巴人書闕有閒蓋靡得而詳也

華陽國志志巴洛書曰人皇始出兄弟九人分理九州

為九圍人皇居中州制八輔華陽之野梁岷之域是

其一圍圍中之國則巴蜀矣華陽之野以下道將臆

路史前紀一引春秋命曆敘云人皇氏依山川地土之勢裁度為九州謂之九圍人皇居中州以制八輔

通雅卷十七云古併九有有與圍通

山海經海內西南有巴國郭注云今太皞生成鳥咸

鳥生稊釐稊釐生后照一作昭后照是始為巴人郭注云為

祖之始

按班孟堅謂黃帝畫野分州見漢書地理志無緣人皇時已

別九圍洛書已屬依託而常氏又強指其地以實之

李宗諤作圖經復用其說見輿地紀勝皆不足據也山經

巴縣志 卷一上 二

所載亦多荒邈末由詳攷

其於唐虞夏屬梁州

書堯典肇十有二州

書禹貢華陽黑水惟梁州

華陽國志志及禹命州巴蜀以屬梁州

晉書地理志梁州禹貢華陽黑水之地舜置十二牧

則其一也

元和郡縣志川禹貢梁州之域

於殷周屬雍州

按爾雅釋地周禮職方載九州之名皆無梁州注雅

諸家李巡孫炎郭璞皆以爾雅所載為殷制是殷周

皆無梁州晉太康地記云雍州兼得梁州之地

兩雅釋文

藝文類聚地部一引則吾巴於殷周在雍州之域也華陽國志

云武王克商省梁合雍彼徒見職方無梁州以為周省未檢雅注耳

武王克商封支庶於巴巴為姬姓國著於左傳

華陽國志起武王既克殷以其宗姬封於巴爵之以子

又云其地東至魚復西至夔道北接漢中南極黔涪左氏桓九年傳巴子使韓服告於楚孔疏云昭十三年楚共王使巴姬薶璧則巴國姬姓也

按華陽國志謂其君上世未聞五帝以來黃帝高陽

巴縣志

卷一上

三

之支庶世為侯伯又曰巴國遠世則黃炎之支封其

言恍惚無定路史國名紀載巴國三姓有風姓之巴

見國名紀甲有羸姓之巴見國名紀乙有姬姓之巴見國名紀戊風

姓據山海經見羸姓據潛夫論志氏姓姬姓則據左

傳及常志夫山經所載既多不經節信之書亦有譌

誤此節文多脫落不可讀汪繼培已疑之惟姬姓之巴著於左傳與常

志符同斯為明據耳

又按孔氏左傳疏云文十八年巴與秦楚滅庸以後

不見蓋楚滅之攷史記秦本紀言楚自漢中南有巴

黔中西南夷傳言楚威王使莊躄畧巴黔中以西又

言會秦擊奪楚巴黔中郡漢書西南夷傳同似巴嘗

爲楚滅地已屬楚然常氏載巴滅於秦當有舊文疑楚所得者巴之邊境遂以設郡耳史記楚世家頃襄王二十二年秦復拔我巫黔中地六國年表亦云頃襄王二十二年秦拔我巫黔中巫爲巴之邊境故亦可謂之巴西南夷傳所言擊奪楚巴黔中者卽此一事巴卽巫耳秦本紀言楚自漢中南有巴黔中戰國楚策蘇秦言楚地西有黔中巫郡又見史記蘇秦傳亦巴卽巫之證自漢中言爲西南則江州之巴未嘗亾於楚也而江州爲巴國都

漢書地理志巴郡故巴國

三字今本脫依左傳桓九年孔疏引補

杜預左傳注

桓九年

巴國在巴郡江州縣

巴縣志

卷一上

四

華陽國志巴志巴子時雖都江州或治墊江或治平都

後治閬中

水經江水注江州縣故巴子之都也

元和郡縣志州古之巴國

輿地廣記州古巴子之都縣本江州古巴國地

輿地紀勝重慶府巴縣古巴子國

戰國之世秦惠王遣張儀滅蜀及巴巴始爲郡而江州爲巴郡治

漢書地理志巴郡秦置

續漢書郡國志巴郡注云秦置

宋書州郡志巴郡太守秦立

戰國秦策甘茂曰臣聞張儀西并巴蜀之地史記甘茂傳同

史記李斯傳惠王用張儀之計西并巴蜀

華陽國志巴志周慎靚王五年蜀王伐苴侯苴奔巴

巴為求救於秦秦惠王使張儀司馬錯救苴巴遂伐

蜀滅之儀貪巴道之富因取巴執王以歸置巴蜀及

漢中郡分其地為一縣字一縣上有脫文按太平寰宇記用此文作以其地置巴

郡領縣十一理江州蓋以一縣上必有脫文因以漢制推之定為十一縣不思漢代分巴蜀置犍廣巴郡

乃餘十一縣耳秦時未有犍廣則巴郡領縣不止十一也況此所言乃巴蜀漢中三郡之地豈可以巴郡

一域釋之漢書高紀曰王巴蜀漢中四十一縣則一縣上脫四十二字華陽國志漢中志作三十一縣路

史後紀引巴志同史記高紀徐廣注又作三十二縣今以漢志核之蜀郡十五縣巴郡十一縣漢中郡十

二縣合三十八縣其間雖有漢代增益必亦儀城江甚渺則犍廣未分以前固當有四十餘縣矣

### 巴縣志

#### 卷一上

五

州水經江水注秦惠王遣張儀等救苴侯於巴儀貪

巴苴之富因執其王以歸而置巴郡焉治江州

按秦伐巴蜀用司馬錯之謀見秦策及儀傳而甘茂李斯皆

歸功張儀者以西征時儀為主將也李斯傳索隱謂歸功於相非是

史記秦本紀及六國年表皆言秦滅蜀在惠王後九

年即周慎靚王五年也據常志則滅蜀滅巴蓋一年

事其置巴郡則在惠王後十一年常氏蜀志周報王元年秦惠王置巴

郡報王元年即惠王後十一年也

旋析巴蜀地置漢中郡

華陽國志蜀志周報王三年分巴蜀置漢中郡按據史記六國

表報王三年即秦惠王後十三年

始皇既一六國分天下爲三十六郡巴其一也

史記始皇本紀二十六年分天下爲三十六郡集解

三十六郡有巴郡又見漢書地理志

元和郡縣志州始皇治三十六郡巴卽一焉

楚漢之際項羽分王諸將以巴屬漢

史記項羽本紀羽曰巴蜀亦關中地也故立沛公爲

漢王王巴蜀漢中又見史漢高帝紀

漢興分巴割蜀以成犍廣

華陽國志起天下既定高帝乃分巴置廣漢郡孝武

帝又兩割置犍爲郡故世曰分巴割蜀以成犍廣

按分巴置廣漢郡在高帝六年見常氏蜀志及水經江水注割巴

巴縣志 卷一上 六

蜀地置犍爲郡在武帝建元六年見漢書地理志

巴郡屬益州得縣十一仍治江州

漢書地理志巴郡屬益州戶十五萬八千六百四十

三口七十萬八千一百四十八 縣十一 江州統一

志故城今 臨江一統志故城今忠州治 枳一統志故城今涪州西

閬中一統志故城今閬中縣西 墊江一統志故城今合州治 朐忍一統志故

城今雲 安漢一統志故城今南充縣 宕渠一統志故城今渠縣東北

魚復一統志故城今奉節縣東北 充國一統志故城今南部縣西北 涪陵

一統志故城今彭水縣治

漢書楊雄傳楚漢之興也楊氏遡江上處巴江州顏

注引李奇曰江州縣名也巴郡所治也

華陽國志記漢世郡治江州巴水北有甘橘宮今北府城是也今乃還南城

水經江水注漢世郡治江州巴水北北府城是也後乃徙南城

太平寰宇記

渝州巴縣

本漢江州縣地屬巴郡按巴城在

岷江之北漢水之南卽蜀將李嚴所修古巴城也今州所理在巴城北故倉城漢水北有一城時人謂之北府城後漢巴郡所理尋還今理

按自華陽國志言漢世郡治巴水北北府城後世言地理者遂謂兩漢巴郡治所在今江北此誤也道將由魏晉以溯東漢其所謂漢世者謂東漢之季也蓋

巴縣志

卷一上

七

前漢巴郡本治城南東漢嘗徙北城寰宇記所謂漢水北有一城時人謂之北府城後漢巴郡所理其言可信言後漢所理則前漢之異可知道將云今乃還南城還者復舊之詞也酈氏不得其解乃改還爲徙曹學佺亦爲所誤蜀中名勝紀引巴志亦改還作徙元和志云巴縣

在岷江之西漢水之南卽蜀將李嚴所修古巴城也寰宇記亦同修者重治之詞也後漢嘗徙北城李嚴督江州乃修古巴城而還復其舊常志更築大城道更亦重築之義道

將云今乃還南城今者對後漢而言魏晉世近故言今也酈氏水經注言巴水逕巴郡故城南李嚴所築大城北故城者東漢之北府城也大城縮二江之口

故古代設治必於斯地揚雄蜀都賦所謂分川竝注合乎江州見古文苑庾仲雍所謂江州縣對二水口右則

涪內水左則蜀外水見水經注是自漢至晉形勢不改

其治北府城者適然之事固不能久也元和郡縣志

云州理城即漢巴郡城蜀後主令李嚴鎮此則唐之渝州漢之巴郡與李嚴所鎮皆在大城亦可證治北

府城為適然之事也

後漢巴郡領城十六郡治不改嘗徙北府城已見

續漢書郡國志巴郡戶三十一萬六千九百九十一凡續志所

引戶口皆據永和五年戶籍華陽國志引口百八萬

六千四十九華陽國志引巴郡圖經作口百八十七萬五千五百三十五十四

城華陽國志引江州續志上文云凡縣名先書者郡所治也此

巴縣志 卷一上 八

注者 宕渠 胸忍 閬中 魚復 臨江 枳

涪陵劉注引巴記曰靈帝分涪陵置永寧縣 墊江 安漢 平都劉

引巴記曰和帝分枳置一統志故城今鄭都縣治 充國原注永元二年分

記曰初平四年復分為南充國縣前志有充國此云永元二年置者一統志以為後漢初省入閬中和

帝復置似亦近理 宣漢劉注引巴記曰和帝分宕渠之

漢昌原注永元中置劉注引巴記曰分宕渠

按據劉注引巴記和帝置平都宣漢漢昌三縣校前

漢多三城故紹統云十四城而和帝時分充國置南

充國縣見劉注引巴記華陽國志 靈帝分涪陵置永

寧縣見劉注引巴記華陽國志亦云萬寧縣孝靈帝

則三巴未分前已有十六城矣紹統或據巴郡圖經

箸錄巴郡圖經見未詳攷也

桓帝時太守但望請分巴爲二郡一治臨江一治安漢事雖不行然分郡之議自此始矣

華陽國志起孝桓帝以并州刺史泰山但望字伯闔爲巴郡太守勤卹民隱郡文學掾宕渠趙芬掾弘農馮尤塾江龔榮王祈李溫臨江嚴就胡良文愷安漢陳禧閬中黃閬江州母成陽譽喬就張紹牟存平直等詣望自訟曰郡境廣遠千里給吏兼將人從冬往夏還夏單冬復惟踰時之役懷怨曠之思其昏喪吉凶不得相見解緩補綻下至薪菜之物無不躬買於市富者財得自供貧者無以自久是以清儉枉夭不

巴縣志

卷一上

九

聞加以水陸艱難山有猛獸思迫期會隕身江河投死虎口咨嗟之歎歷世所苦天之應感乃遭明府欲爲更新兒童匹婦懽喜相賀將去遠就近釋危蒙安縣無數十民無遠邇恩加未生澤及來世巍巍之功勒於金石乞以文書付計掾史人鬼同符必獲喜報芬等幸甚望深納之郡戶曹史枳舊校云當有脫白望曰芬等前後百餘人歷政訟訴未蒙感寤明府運機布政稽當皇極爲民庶請命救患德合天地澤潤河海開闢以來今遇慈父經曰奕奕梁山惟禹甸之有倬其道韓侯受命比隆等盛於斯爲美永興二年三月甲午望上疏曰謹按巴郡圖經境界南北四千東西五